









新編事文類聚翰墨全書卷之三十三



官職門 文類

雜著 序跋

贈序 送史縣尹朝京序

疊山

建陽號難治秋苗不滿九千石站戶不征輸者迨至卷新軍餘
五百人郵卒不与焉邑當廣南江浙諸道之要會省官御史宣
慰按察多行部鄰郡守式多假途郵使將宸命來往煩慮尅者
无虛日令尹迎必數十里外遇霖霑積潦瞻馬首修至跪拜泥
渾焉囊中移時不敢具馬上人命之退則退客就館用大牲小
則剖羊刺豕折俎充庭號曰獻茶飯令執手立堂下三跪進酒
上食客露頂跌坐必醉飽喜勃顏色无不滿意上馬去送必數
里外而歸令尹對妻孥舉酒相賀曰吾知免矣子事父臣事君
不如是其嚴世於阜隸之奉主翁也為令尹者勞矣哉中原將

家子史君寧邑三年以寬和平易為政不求赫二名民安之但見其可狎不見其可畏余隱者耳不出理亂初不知史君何如人也癸未十月政和民不靖流毒千里平民无辜而死者幾万人史君得奪議對漢宣帝遺意人以為賊盜善以為赤子人方治亂絲而焚之吾乃治亂繩而解之不殺一人而定會大赦幽浙更生者何止百萬家赦未至而寃死者亦多矣史稱活千人者子孫有封史君之後其昌乎既受代傲戶託妻子于此邑亦以士民依二不忍相捨也如京師渴吏部求祿以養母朋友載酒崇肉而餞之者五十人前期各賦詩余出而出山揭之一見如舊藏因道前朝四十年遺事宰相之仁鄒將帥之知愚軍民之苦樂兵財之多寡士大夫合二之高下史君无問不知如響斯答如養叔之射葉矢必中的庖丁之解牛刀必中窾樞倭乎夫之承蠲累九愈多而愈不失其鉗銖聽之者心快神暢可喜可敬可憤可泣始知東南科峯上二天下蒼生者百年曾不如甲

原將家子不習時文者可與談天下事今人以作邑為勞宜乎
史君但見其逸也余老且病矣只欠一死回思少年遇知己如
忠齋留公敬齋謝公梅石趙公則堂家公實堂吳公泉石青陽
公皆待以國士期以遠業入仕二十一年居官僅八月宰相薦
拔者十一人皆議論不合絕意浮世事退而尚友安期生梅子
真遂為穹壤間无用之物予之有知已多矣不知諸老先生存
者幾人子遊中原過齊魯燕趙當歷三為予問之朱希真云早
年京洛識前輩晚景江湖无故人誰与兒童談舊事夜攀庭樹
數星辰予每誦此詩未始不臨風泫泫也安得明敏卓犖之才
如史君者日整效吾側哉朋友謂余積有能詩言當以詩為贈
余方讀禮言且不成文豈能寫衢壘塚老之真情乎有揭解者
曰不載酒崇肉又不賦詩者罰余乃自罰為建陽士大夫餞令
尹史君詩序

送方耕道序

南軒

莆陽方耕道為尉善化予囑之熟矣天資耿介臨事不苟問于其所部則翕然稱其清未嘗擾民也間從予講論問辯於其秩滿而歸既惜與之別且將有望焉則從而告之曰人之性善然自非上智生知之資其氣固不容有所偏孳也者所以化其偏而若其善也氣稟之偏其始甚微惟夫冒而不察以滋養非用力之深未由返也故傳稱強矯二云者操而正之也願耕道毋恃夫天資之美必深察其所偏致知力行勉自矯焉異時相見當觀氣質變化之淺深而知孳力之進否也耕道勉之哉耕道起而請曰人亦頗知病之所在矣其將何以藥之乎予文告之曰語所謂一言而可以終身行之者其恕乎而其道乃在於已所不欲勿施於人而已要須從事於此乃知聖人之言真為要切也升高自下陟遐自迓涵泳体察久而勿舍則氣之暴者可得而平量之隘者可得而擴患其近於薄者將日趨於忠厚慮其失於易者將積而為敦篤是則強矯之功也氣質變化則

天理寔存粹面盎背端有不可掩者孝其有窮極哉如某者方
朝夕自矯其偏之不暇異時亦望君子有攷焉遂書爲贈行序

送嚴簿序

南軒

吾友陳擇之爲予言其鄉人章君嘗謁端明汪公請所以教汪
公告以當以正大爲本章君他日以語東萊呂伯恭謂當守斯
言公以爲斯言信美矣然道之浩濶要有下手處在孝者於正
大若何而存之蓋試思夫人之所以不正大者果何由哉抑嘗
爲之說曰有所偏黨則不正矣有所係吝則不大矣是一者皆
私也纖毫之萌則正大之体亡矣是當涵泳乎義理之中敬恭
乎動靜之際察夫偏黨係吝而克去之則所謂正大者蓋可存
其体而得其用矣不然則於此雖致美想像之不暇終亦莫由
進也會吾友嚴慶貴當赴官清湘於其行也書以爲贈言

送趙簿紫芝序

默齋

唐人裴行儉有言士之致遠先器識後文藝公愛其說簡而明

足以盡觀人之法蓋士之所能多端唯无是物焉則卑陋窳淺
雖有才華術略亦罕足觀矣有客聞之曰倘如所言則趙君紫
芝其始優乎紫芝主簿上元嘗因所戕建其事合乎義理教化
而不合乎世俗之好紫芝不搖於利害其器則遠而識亦明矣
予曰倘如所言或親故誚其拙迂上官惡其違戾則紫芝何以
處之客曰不知也吾見其无顧慮无勉强是其曾次必可探而
識矣予曰賢哉紫芝固有短繁寒儒飽苦辛習淡泊其居官欲
吐一言立一事利害所休因喪所守其多紫芝以諸王孫蚤登
科日駿乎富貴利達而所爲乃過於陋巷之士賢於人遠矣
然人之抗志也自視齒髮方彊意氣有餘其初未有不銳者及
乎利達不逢富貴不來凡吾有欲皆沮而莫得然後稍衰所以
士君子變節多出晚歲可歎也已客曰吾以子言試問其所處
若何予曰公与紫芝同官二年相好也大丈夫富貴利達恐无
非天命耳人安得而增損紫芝文華器識固應近到必自知此

无俟乎言客退適會紫芝秩滿將歸因書其語以為別

德政碑

江西行省丞相愛棠碑

劉須溪

至元二十七年秋九月丞相忙兀臺以江西省鎮夔陵凡四十日薨于位又二日喪行居民望過車罷市長動至不可忍聞合城士大夫哭於野者不約而集无不相嚮而吊依之憔悴无聊之色田里聞之驚顛踊絕至有負販之人不自知棄其所求望虜垂涕而反既數月有自北方來者號於馬上兒童父老聞其聲者喟然而哀痛之如新今暮年矣省還跡遠燧改情迂而語及當日猶為之飲泣而悲哽咽而歎也方公之未至也揭竿滿野環顧及汀歷之尤墟煙吾聞郊閔之禦奪者混相濁如市公之來也悄乎其容肅然而无声不惟貪夫服弁軍伍旗幟改觀而盜賊望風褫魄凜然以銷者復不知其幾不惟城无器塵里无夜警而昔之荆棘石棘者蟄見天日熙然如初不惟長亭短墩行歌逆旅而深山長谷婦人孺子与荷戈之士雜踊而无何

近邑近州行者連曙皆曠數十年所未見雖太平全盛不過如此也或謂公之在事四十日止耳即四十日之間有所感發聳動亦何能家至戶到未嘗按一貪吏也亦未嘗殺一无道也而民之畏之愛之如將見之赤眉黃巾之不可勝殄長血之於此又復懼其復生於彼從古然也乃不待草莽獸狝不用三令五申不必刑格勢禁而威信之如此民之思數朝暮因三使公猶存飢食渴飲正未必人人而濟也前乎公者有矣後乎公者亦未必不尤賢於公也而推論斯人一日生聚之安若浮若沈以至公此譬蓬蒿藜藿實負公始獨吾侪小人竊欲求公之所以致此者而不可得也或者其福也嗟乎亭讀坡公所爲温国文正公碑中言何自知之何自知之極古人詞變反復形容之盛徵今日之事則亦以爲過耳所謂立之斯立道之斯行緩之斯來動之斯和非七日司寇見之行事雖夫子猶疑之因是使人思前史區々必有不忍得於言者余以憂患餘生延喘民間親見

甘烹角弓之誦欲備言其美則不可盡欲參論其事乃無一有
蓋躊然為之躊躇遠想若尹長安之桓東虎允朱子元之檜齋
抵几李臨淮之斬將立威此人皆疾声厲色以勝之僅濟公於
斯民有百年之愛而无一日之功雖善論者莫能述也茲非古
之君子不言而信不怒而民威於鈇鉞者欬柳子厚謂呂衡州
之死哭之者逾月哀聲交於南北舟船之上下必呱然又有
謂化光何以得此者以今揆昔容德過之哭死而哀非爲生者
也我觀九原而誓武子百世之下故當識其何心晉人望羊叔
子之碑而墮淚則叔子自爲也公之歿也若士若民請於省与
府祠之曰吾責也府亦曰吾責也其門生故吏則又曰吾責也
士民因不敢爲至二十九年春復請府經歷濟南孫瓊以其俸
獨倡成之孫蓋公所辟以自輔者士民共高其誼曰我則何力
於斯則相與植碑於孝以其詩來請烏乎後之又有讀是碑而
不墮淚者乎予亦何足以發之系之以詩曰

衣衣繡斧來甸來抚里門晝開官路夜旅繡斧衮衣今以喪
歸真于中道卒誤疇悠悠行舟慘四野亡羊不知扶路
悲啞鼎鑊建權林嘯復具山哀浦思虎逝龍升蜀懷孔明寒
食祭路魏感梁公聚哭碑下誰故祠者公有明生我往蒼之
衆志乃平甘棠趙只材杜逝只我此碑亦隨疾只

生祠記

前知衡州向公生祠記

胡致堂

郡守以抚養百姓為政賢否於是乎觀不聞以能奉承大吏為
賢也昔光武戒仕延曰善事上官无失名善延對曰忠臣不和
和臣不忠若務雷同非陛下之福帝歎息稱善以其時攷之循
吏得行其志海內之人咸安土樂業而絕上行私亂人之功罪
者莫或肆焉其致中興矣歲在乙卯江南大旱衡陽焦灼於
繁城暴政之後遺黎凜尤甚會相臣督師平寇植牙於潭知
寇之本由民失其所也聞直秘閣向侯宣卿有政材刻章上聞請
使守衡制曰子志往欽哉善抚吾民惟既乃心毋恃于權侯頓

首受命至府屬帥臣以民訴外臺大胥姦賊蠹害事下衡治无
追證捕逮之煩二日而獄具厥徒震壞民情始得自通於是昭
明曲直而伸達冤滯振業矜寡而擊斷豪幸與民所便博指其
畏去華務實謹率憲章磨牙抵掌之徒肉視斯人噤莫得動方
是時米斛為錢萬有五千而衡境歡然反无飢之憂官僚肅於
庭士卒整於伍商賈集於市綠南畝者惟恐侯之報政而去鄰
於衡之人則曰天子何為不以向公而牧我乎其頌歎願望洋
乎滿耳矣而方伯与部使者顧且傳致効之曰向其以酷刑
失民心民之畏之重足而一迹方旱且多盜又重之以其不亟
斥之我何而不召交嗚呼嬰而有者无怪乎指青為黃孩而豨
鳥真切者无怪乎謂香為臭人自非生而喪心則誠否好惡不
至若是悖矣侯既坐斥士民扶耆攜孺犯兩雪泣深屬道而送
其能遠者眾次真之使謁諸朝久而未報念終无以自慰乃即城
北青草佛祠為堂繪侯像歲時合笳吹鼓舞其下以祈侯壽考

而思其來也夫萬人之謗言不可以非道下謂侯无以致此則民
奚不從彼貪且誣者尸而祝之邪濟惟貫河人乃知其清松柏
不遇大冬與蕭艾未知其孰賢也然則謗侯雖深所以榮侯者
不既厚哉哲后方覈名實考毀譽賞卽墨以圖治康而御史采
輿人之誦爲侯明者劾奏之不然者宸旨籠煥擢昇使華士大
夫益知奉公守正之可爲謹邪不得而終困之不獨衡之人以
爲喜也侯雖屢折志意益勵力操汲古今聞謗著則進爲世用
以就功業不獨慰此州之去思又必有日矣詩不云乎樂只君
子民之父母保文尔後德音不已衡之人以是歌於斯堂也不
亦可乎

大參陳公生祠記

劉後村

紹定三年某月某日詔罷福州福清縣掾陳公真誼之請也時
公以從橐侍經筵間爲上言臣之鄉邑土瘠俗貧物貨不產商
賈靡登其民皆墾山種粟采漁海造鮭蛤之屬以自給海口鎖

在縣之東劣有墟市縣民之適鎮者鎮民之至縣者不過各負
擊所有以相貿易既稅於鎮矣徑港在縣之南又置窩稅焉又
稅於縣焉是二十餘里之內凡三稅也不已重乎臣嘗訪求其
故稅錢之隸縣者日止數緡隸州與漕者月多四十緡而已官
府之大利源之廣豈與赤子較此毫末哉臣以爲罷之便玉音
欣然即可其秦邑之父老旣扶攜聽詔歌詠聖德復相與像公
而祠之記曰與其有聚斂之臣寧有盜臣唐人亦云捕蛇之不
幸未若復賦之不幸悲夫天下之不仁至盜而止復有不仁於
盜者乎天下之毒至蛇而止復有毒於蛇者乎此儒者之篤論
而聚斂之臣所未嘗講也故人主必親近儒臣然後聞正大之
言然後功利之說莫得而進公之建是言也非私其邑之人也
儒者家法然也齊設衡麓丹較之官以隴山海菽澤之利姑尤
聊攝之人羣起而詛尹鐸爲邑減其戶租晉陽之人卒懷其惠
衆之爲是祠也非私公之賜也民之秉彝然也初嘉泰壬戌公

之先太師內相嘗有此請其議中格至公乃緒成之公家世邑
人也去而僑於武康居歲輔之近而不忘鄉井之遠處旃厦之
邃而深隱閭閻之患其父子間議論風旨如此所謂世載其德
者坎所謂必百世祀者坎雖然建一議畫一策近臣之事也一
夫不獲時予之辜四方有敗必先知之大臣之任也天下郡國
之廣不止一方民生疾苦人多不止一事公方坐政事堂與吾
君吾相汲二共圖之矣吾雖小人何足以知之寧都料反智深也

事文類聚翰墨公書卷之二十三



新編事文類聚翰墨全書卷之二十四 庚

官職門 文類

詩詞

贊

上右丞相贊公

元遺山

黃閣歸來覆烏輕天將五福昇康寧四朝人物推耆舊方古清
風在典刑鄭圃亦能知有道後廷又欲訪遺經帝城此後瞻依
近長傍弧南望極星

贊史平章

劉李顏

曾將霖雨蒼生筆試手宮牆扁揭來玉鉉金章魁宰輔銀鉤鐵
魚麗書臺東風庫尊相車出晚歲共看春意回儒節不知暉旅
重梅花驛路空三台

謁御史張月卿

梁隆吉

我家元住君鄰州我父當時亦故侯中原百年龍戰野南濱

日鷲吞鉤遺黎常恨舊隔絕故鄉喜遇新交游路人行行望隴
馬山中却為詩應留

上御史汪海庵

孔文植

蒼佩行秋海郭深光華飛逼斗器沈栢當臺雲天留節梅在庵
香月照心泮水藻芹新露色河陽桃李舊春陰如香夾道老
祝了却澄清去休霖

代上杜按察三首

鼎山

東南官吏欠清風五十年來世道窮須信太平在今日人間又
有杜祁公

慶曆諸公開太平選賢按察救生靈當時只有一杜杞豈若先
生真福星

万物益无吐气時平生愛誦杜陵詩如今天下知元結六百年
間再見之

熱提筆蕭方產

刘南翁

遠使歸來拜玉墀英之年少際明時
古勳業宏庭右天子志
名發國知江左衣冠新領袖嶺南原
望舊驅馳此行吾道關天
望梅信傳春漸北枝

見提筆染滿松

立雪

今人標致古心曾古士依歸有消松
白髮半頭身欲鶴蒼髯千
丈氣如龍二年博士留韓愈十載中
郎老蔡邕根脚青原培植
久蓬萊行上最高峰

執祿同知石壁

无咎

政事文章皆兩途讀聖賢便
有規模國橋富曰傾冠蓋建水如
今謁袴儒千里黎元依父母一邦
人士仰師儒岩三石壁撐霄
漢宇由須公出力扶

獨抱遺經九曲濱自知坎壈愧餘生
直鑿咫尺文星現不比尋
常刺史行我袖瓣香今有屬公心
盪水本來清諸生敢望賢侯

獨抱遺經九曲濱

獨抱遺經九曲濱

獨抱遺經九曲濱

獨抱遺經九曲濱

贈詩

送趙左丞之湖廣省一首

盧疎齋

十年閨館得春偏，尸有城南尺五天。昨夜合蹕照吳楚，夢中黃

雀必欣然。

江空歲晚不堪愁，鸚鵡洲哀響欲秋。留看梅花莫開盡，為公吹

玉過南州。

贈陝西李廉使古意二首

同前

威鳳覓德輝，來自丹穴山。孤鶴慕文采，飛從浙江干。鳳欲必醴

泉啄食，唯琅玕。箭韶奏虞庭，鳳儀五雲間。朝陽忽西馳，梧竹隨

凋殘。孤鶴黯秋影，鴛鴦相與還。長鳴九皋恨，月落天風寒。

娟娟秦閨月，偏照松山雲。山雲自无心，而能遠澗壑。松雲初未

開，下有幽栖人。喧風雨交，悠去來頻時。宿營端姿能如

相親，悲鳴動遙夜。天衢奔游氛，秦關護修阻。月輝皓无垠，願言

奮西飛，奈此由東隣。

答李廉使西歸洛陽

盧疎齋

驛二 歲年晚菊三 霜露殘 君子不皇 四牡來 駢之月出方皎
皎我心怕依依 今夕復何之 山中仰容輝 惠然有深契 使我心
悅美 北風日以涼 行役乃無期 豈遇不可留 悽然送將歸 求懷
金玉音 時得慰渴飢

尚張兼訪時清平无寇以貪守科蓋致擾去非

七閩古要荒是為越南徵秦溪列我方居民亦稀少文風漸衰
開李唐盛稱表問之何因爾風氣有先兆桓桓觀祭公切切靡
告詔至今章掖流詩書被餘照伊洛道既閉考亭重繼紹壁之
中天日乃古垂炳耀宜但行中原衣被弥嶺嶠云胡一氣迂變
化有誰料百年詩書地末俗事接矯豈是殷民頑此亦閩盛召
天下本無事庸人自為擾庸人亦何傷貪人禍非小小貪人易
知太貪一何巧豺狼不堪問狐鼠何足道哀 清淳民仁者宜
一吊何年彗彗頭 麟火猶有燭千家 九空荒落日 曠野燒迹來
痛甫定生意漸原皇二年兩徵兵行人亦傷也閩地本饒瘠山

海相帶海兩耕不供養儉歲即有盜獨藉著海餘易以供歲調
古人弛麗禁瑣不尔較但令官無虧一任民轉漕近年盜法
密滴以長貪暴茫茫一溟渤乃是大奔沼下不濟民窮上不資
國耗飢狼与餓鼠曰書敢擊噪民膏寧幾何尔腹安得飽我思
山海藏本是天地宝公家膏鹽引本錢亦絳紗祗令增倍徒安
得不為瓮上因官不厚未弊誠不料官曹既猶御荷責汝為盜
千鈞發鬪鼠從蟲集飛身我欲陳其言哀情動深怕聞山秀而
剛習氣本强矯近代矯節人一二皆可攷漢史言木公反覆出
望條反覆豈其性當年久探討等道皆有用董儒乃其妙撫御
或失宜反以萌不肖矧茲一嶠地峒險接深香郡人生本微鄰
寇時掠剽啞當保天和玉石戒俱瘵民生必有養而後可施教
云何無其具而輒事刑勦海濱去天邊高高不堪叫使者重觀
風甦息宜及早

寄馬笈使

中齋

官職

絕江烽火別廉亭六載風塵馬不青
好句每知天下少野人自
與出情疎斜陽笑我集扇熱東海煩君活酒魚
隔一片雲無見
日秋風落日更愁字

又 歸梅

青山

白玉堂前野水濱
何曾榮悴異精神
當於香色外觀韻可怪冰
霜裏有春天下無花堪伯仲
江南惟尔不風塵
欲將素玉相推戴
老向山中作素臣

呈李書史

靜得

林塘万綠歷沈沈
雲浦吟窩足觀深
幾為青山成畏友
一窺白日照初心

山中書水書一帙
兵後南州健更誰
君實中年陪社日
考亭元

事注騷詩

火龍騎日雪飛空
勁草亭亭不見風
臣亮南陽今未老
一樹雲

碎日猶紅

冰葉雪花正可人
陌頭客子劍生鱗
千年風致未盡
歎如此溪山有奔民

呈孫郎中 時芒丞相薨

滕玉霄

獨立梅花恨最多
西江夜雨漲恩波
仙翁已矣客猶在天
意不然人奈何
祝釐有時撐老眼
銜不無路發悲歌
先生閉戶何爲者
我亦從公理釣簑

呈劉郎中

好山

燕臺不肯赤黃金
扁草石中抱膝吟
萬里山川變老眼
十年風雨一初心
盍簪已恨襟期晚
把酒那知感慨深
莫倚闌干天北角
長雲漠漠鴈沉沉

代上張經筵

疊山

中原自古多豪傑
管國尤多賢大夫
宰問斷無虛議論
功名須有大規模
管間弓矢真良將
古底詩書笑腐儒
自恨兩賢相識晚
不妨杯酒恣歌呼

官取一

謁庭翠登臺

梅城

小立堤沙檢校春一番雨過一番新千紅萬紫無餘味只有庭前翠可人

蘇軾

上高平章

登無咎

南國美平章高公也。○南國是式維其高矣允文允武以佐天子四牡騤騤會言近止至于海邦延疆適理。○南國是式周爰咨度戢思其憂求民之莫靡有夷黎哀此惇獨肆其靖之式遏寇虐。○南國是式匪攻匪棘田卒汙萊其耕澤之不遑啟居其究安宅匪今斯今徧為尔德。○南國是式式端其婦靡依匪母如之何勿思惠然肯求言觀其旂無小無大云胡不夷。○南國是式蔽帝甘棠以作爾庸邦家之光太師維垣衮衣繡裳民具尔瞻綱紀四方。○思樂泮水青二子衿采游采歆克廣德心入亦有言懷德維寧是用作歌以矢其音

上張廉使

方山子

鳳鳴美廉使張公也。○鳳凰鳴矣于彼西山有鸞其羽翮二翮
昔在虞周覽輝下觀赫々治朝則莫我敢干惟爾為祥黃于
區寰○鳳凰鳴矣矣于南土皇々者華閩山之下不鷲不搏厥
声布獲雄狡收除覆發收去以玉我王度○其食伊何維竹之
實其宿伊何維梧之碧匪安者筠彼腥腐為食器華者桐彼榛
莽為息何斯人斯繁張公之德○昔公來思壺山青々其崇津
々今公來思壺山一新其棠再春公無久淹帝有恩綸公母遽
歸留福我民誰為此言南土之人方山子作歌以勗具臣

上仇廉使

參晃咎

福星美廉使仇公也。○明星煌々公侯好仇封建厥福周爰咨
諏肅々王命敷政優々淑問如皇陶母俾民愛○皇矣上帝昭
臨下土大邦維屏民之父母于彼牧矣其毒太苦既立之貶剛
亦不吐○皇々者華邦之司直素絲五紵維民之則哀此惻獨
去其蠙或母使兔也吠其寢安宅○彼汾一曲青々子衿小子

有造克廣德心教之誨之遐不作人來游來歌懷之好音○于
彼原隰君子所依邦畿千里肆其靖之以奏膚公士曰豈扁會
朝清明是以有衮衣兮

上王廉使

王德輔

公昔乘廉車咨訪旌南土肯問當道翁直射南山虎冰清留一
節棠蔭樹七聚至今八九年恒若神臨汝吏民說前事吐舌驚
相語天知陰德多報以蘭上補華遠陞介使依舊持繡斧閩人
修何福復此逢察父少須澄清徧弭節長烏府

上王廉使

王志行

闔南海水如火熱七月人間忽飛雪風生柳葉古榕陰孰路重
來馳馬滑馬頭夜月照十城瘴雲洗盡山川明野民未識新廉
使但記年時好簽事我公亦手持虎鬚草間狐兔真區々轉移
風俗家絃誦薈草方將化鸞鳳書生伏謁刺桐迤此來幸甚重
執鞭顯言催入早柄用四海歌詠共慶壽編

上李兼使

鄭獻翁

全闕天錫福兩度喜公來馬熟前時路烏樓舊日臺桂仍老辣
其菊更晚香開使者星還次通宵日幾回

上王兼使

鄭統

霜稜射曉瞳星軺才駕八闕中恩覃亭院雙龜竭風采庭
階方綠松棠下重誇好官府疾逐善聽舊兒童競傳馬首仍南
向披王衣裳快重逢

詞

送文總管朝燕四首

書臺

喚得恩鄉昨夢回東風万里上金臺出關曾解察安否枝北枝
南一種梅

點檢桑粉浹戎行羞和音琴瑟荒涼孔明晷畧留遺傳分掛當
年夜雨牀

夾道紅旗駐馬蹄鄉人將喜又將疑天留中子繼孤竹誰向西
山飯伯夷

滿眼平疇草自春烏鴉無數是松丁鬼神如奉君王問為說東
南燐火青

送張洽中朝京

胡曾

乾坤人物老牛斗景星明鴻翼天風順馬蹄沙路平松揪還有
託草木亦知名歸日吟千首江山万里程

送王官尉復除參政

曾

桂風香裏離高牙依清台蹕照壽沙帝意欲教安赤子天庭不
是斬黃麻令行湖海數千里歡動瀟湘十万家不但深陰重布
滿門牆桃李亦增華

送李按察之任

王之奇

先生待使節極力救生民郡縣寧无弊朝廷未有聞某官貪可
去若事亟宜伸更為君王說如今可用文

送陳府尹赴嚴州任

公羽靈舒

頻年經虎害人望使君來地重分旌節信清管釣臺涼天星象

動吉日印符開帝擢平津策曾知有用才

送刘洽中之信州

疊山

冰上古溪山治中今士元邦人敬文簡道化的善曾孫朱子書堂
在東萊講席存十年儒道悔此日喜登門

送蔡推官之房陵任

春不多寒風已柔數君到日正紅稠
菴蔽簷更詩成集山護
醉公病書滿樓岸柳欲眠維鶴首
慕運俱起看鰲頭
无忘奏牘三千字一洗公孫富貴羞

送張推官之泉州任

晉齋

榮膺新命成桐城到処斯文賴主盟
唐有狄韓登顯仕宋称蘇
口已擢名卿黔黎蒙惠情得悅
奸黠聞風瞻目驚養到南枝須早
發已催金鼎去調羹

送包釋可入幕

州帶福星明君今指去程亂山秋雨後
一路野蝉鳴時靜軍書

少人閑官况清歸來話風土足識荔枝名

送杜縣尹禮七

戴善夫

令尹來從尺五天春風逐三馬蹄前牛刀小試弦歌暇龜蒙初
開撫字專杜母政声從邑始祁公相譜自家傳斯文一脉微如
絳更仗回轍障百川

送翁縣尹之任

王小山

曾識巴陵道重橋印綬過地偏无會計俗厚有弦歌官况湘流
碧詩情楚岫多梅花送征棹万里接陽和
草復草何以送行客楊柳橋秋風秋來不堪折我有甌中
蘭不隨凡卉減一枝持贈君二歲肯不歛

送劉瞻伯赴武林尉

竹鄉

位輕閥繫重入仕尉為難訟怕源頭錯其嫌索子寬晚秋宜看
菊深谷不藏蘭料得堪行志遭逢好長官

送王山長

雪竈

一國卷九十四
鄉校悠二 舊冷莊東風移長浪好前公知五品其龜瓜繫人信天
為木鐸宣八境畫圖添後詠三槐文物長先賢虎城只待官書
滿光勤恩袍草色鮮

送張典史

劉巽用

六年民命困直存昨夜歡言徹里間金章前時只貪利真儒今
日現真如孝尚由賜宜從政筆擬蕭曹却讀書精細六房為六
典太平公案此權與

送烏

送右丞相楊明齋南烏

葉禮

嘗讀諸葛表渡瀘征不毛今君守此商宦遊母乃勞君意殊不
然自謂豈兒曹又苦世俗隘政須善眼高胸中九靈龜泰山一
秋毫夫何七尺軀猥如魚在包我聞壯其語足以見持操万里
一言足民与吾同胸

送縣尹任滿古詩

送縣尹任滿古詩

毛靜可

卓魯又不作臨風重懷人錦溪有美錦善製當誰辨哭之汾陽

君燁二馳華蓋往來試旗邑口碑擢陝東陽信何行桃李三
年春安得百器之布滿弦歌城奈何斗以南紛蒲璧蔡令君
一何事二乃不近名令君一何明二乃不見形令君一何公有
若權在衡令君一何了又若刃發劍能令政事簡罰者懷其仁
官府有直氣恩罔无枉情物論久逾定去思見民真

賞齋

古來劇邑稱建陽云錦水環其疆文公先生只道李尉為鄒
魯改歌鄉諸賢駢臻皆傑出善績賦垂休光富蒙勢輒民必
削官府壯太吏必強誰敢製錦布敏手前劉後郭造相望知公
不喜入諛說書星亦豈輕掄揚下車風化首養善經始他務猶
未遑考亭精石久廢壞一新棟宇增輝煌繼鋤巨猾去蠹賊剪
鬣柏府飛風霜叫號躡突俱屏迹大无夜吠安農桑公庭喜間
自无事蒲韞虛設橫琴堂規模先從大綱筆注意既密條理詳
繕修公解及館驛結甃街路新諸坊輿梁病涉得橋道乃姓枵

腹作義倉救人疾厄六醫校愛人渴死施義漿鷄衣菜色有養
濟逢頭跣足供齋糧官租自辦足軍餉田土增辟豐稻染柳陰
來道春已盡草生鞠賦秋猶芳公餘不取歡疑樂半閑亭上時
徜徉此時此意誰會得清風明月梅花香廉似雙溪清徹底不
盡恩波流汪洋書生元三坐盤谷三年不減鴟鷂行績文種季
有餘暇皆公盛賜那能忘黃童白髮正亦德雖堯柳二高翔翔
甘棠遺愛在人久竹馬爭送何且杜隨行只留琴與鶴蒲擔詩
卷富歸裝過庭問安謹定省靈椿秀色逾堅蒼便民政事可枚
幸扁對阿母無慙慙清俸自守不求譽烏臺粉省交劉章頴與
蒼生作霖雨潤澤均施及八荒從茲多歷中書考事業足繼汾
陽王

律詩

劉章愈

縣債難於百折誰一廉自信不為難
心留赤子非要多事忤黃堂欲弃官
二 齋瀟州如道院吏人清苦類儒冠
錦江碑刻烏臺

剡打以此來做樣着

又二首

曹吳慵

三載東陽郭有道手栽桃李十分春常將單父為師法能與文
公愛里人衛道獨先請郡倡收書不問旅途貧還家細向庭門
說一笑何妨奉一親

墨鏡銅章一樣心有誰清健可如君到來祇飲溪頭水別去无
慙谷口雲但資羞名常赫二不論貧富總欣二吾慵本自于何
事如此弦歌亦察聞

送稅官梁海山任滿鎮務兼民訟

朝家設鎮專分官司平總是交商賈獨有沙川名勝區古來號
作圖書府民淳政簡公事閑黃卷聖賢和對語不比其他閩市
征惟与吏商作僑伍自從累政不得人弊庸則活皆允府慶橐
營私祇自曹權細散壞誰能補海山先生富孝問名名已久馳
寰宇使當整蠲凌青霄棘葉豈是棲否所要觀平生未讀書特

來此地司征旅暫停儒術飾吏事風采頓新人快覩一清律已
玉壺冰一明燭物照天炬姦澤東羊知所畏吏胥不復為文舞
強暴斂跡无所容鄉邦不復鳴桴鼓一毫侯節弗得通决斷惟
以公爲主至於有事盍咨謀察去賢士相交處平民何敢逃官
物大抵姦人去豪戶禁之督之非過嚴此心端不畏強禦前年
一歉民阻飢告籬皇三良可苦公出勸糶人樂從遂公枵腹爲
含哺今年鄰境哀况頽城都強糶群嘯聚公能遏乱人得安立
使驚殺爲按堵時維六月忽旱乾田里窪枯人憚暑拳二獨軫
愛民心夙夜勤勞躬禱雨至誠一念上通天果獲甘霖蘇糶黍
頓令歉歲轉豐年非公之賜其誰与二年報政民感恩去向其
凍來何暮公亦知民暴恣心官滿未忍惱然去彼強卒徒紛糾
嗷白晝公然肆剽擄賴公未去察其奸亟申臺府嚴誅捕臨去
猶能利及民紀碑遺愛誰勝數人亦攀轅挽不留綵旗爭餞公
歸路余尤三載託庇深此行爰莫爲公助方今子陽處要塗彈

冠會亦只真禹經從史館有虛位願公早早儀鶴存德安催起
乃校書未許庭堅稱獨步

送稅官仇副使詩十首河朔人 去非

儒道未易行倥首爲祿仕仕而不得祿卓哉見廉吏
關征足自潤人謂惡能廉吾獨知彥脩一葉亦不露
甫城如斗大征額鉅萬積道責猶未能餘潤安可得
而墨有寬征僚吏無間言弊例亦廢却益知彥脩賢
課餘自哦詩詩罷還教子時二視橐餘管魏壘市新米
世無半山叟嘆息弄閒詩魯叟尚投杼知已何敢期
古來抱閔人玩世可無悶因省旣不愆得仁又何怨
正直男子身自有神與謀世治天理現何必事倚求
彥脩但自脩逆境堪進德知我自有天純固在孝力
世事良可見浩浩書生心先民亦曾計儒道終當行

勢息

見王參政

李兩山

獵三風沙透紙窓地炉火歇冷侵牀一聲孤鶴喚殘月幾杆疎
鐘敲曉霜黍律嗑春燕日暖梅花入夢楚天長漏期乞趁東風
軟醉裏絲鞭吟綠楊

上王參政

雷國英

天清地寧四海一金藪玉柱擎天力江南一鼓三百州風虎雲
龍真偉績麒麟閣上第一功當年武惠趨下風紫髯掀風神思
泣宝戈揮日山河空功成往訪蓬萊島相期赤松啖瓜棗只留
青史名字香十載英声日爭吳夫顏喜動龍樓春八荒霖雨思
元勳麟駒鳳雛傳相業貌貅萬騎磨三軍鏘三虎拜龍墀下金
鼎參調贊元化旌旗鉄鉞繼駐青嶽鐵金鞍看縱靴箭雲追電
氣如虹南山草木甘露中雷霆號令駭群聽鯨鯢波靜春溶二
金章玉帶正頭黑白簡搖霜判金鐵班三勳奏朝 至尊瑞階
曉侍紅雲側寒生家世傳裘箕橫弓馬上還談詩朔風蕭瑟黑
貂弊空有劍氣橫長蜺崇墀下拜瞻光霽揚眉期吐青雲氣太

行幾載服監車一顧願馳千里志短章猶袖春滿衣青滿結綠
逢良機君侯事業邁薛平收名定價增光輝

上張發省

同前

清風超古惟留侯功成還伴神仙遊振三鴻名溢六合象三逸
響曾鳴千秋雲龍鳳虎天地一惟嶭復見今運籌詩人傑自在方朔
後善政未遜顏公優秋風老拳控鵬鷲霜月冷陣橫貔貅文章
翻二颺儀鳳威聲烈三轟潛相龍黃遺愛頌盈耳埋輪未足光
前脩參調鼎鉉駭謀斷居然房杜具堪憐懸秋明鑑破群象倚
天健筆回千牛巾書壽考坐可致甘霖一洒徧九州手持白玉
修月斧尺長寸短皆所收樽禮環補不自愧願補禹卷藏書樓

贈賈省掾

同前

君親盡道人大倫孝親故能忠於君我聞阿母言諄二必於孝
明求忠臣偉哉長沙太傅孫兼而有之一念純慈闔書永庭萱
春獨抱愛子全其真斷機截髮非笑嚙如玉在園名自珍超今

冠古希與群采風使者聞紫宸金鸞飛下頰絲綸嘉名錫號光
城闔振耀流俗風還淳君從省闈開全闈筆補帷幙資鴻鈞赤
心耿二拱北辰我來南海前襟塵披光下拜無良因反來識面
予何人謙光下顛勞殷勤君今觀光上國賓天廷班二奏奇勳
玉京元氣開氤氳大鈞坎北春無垠飛舞鸞鳳驥麟秋風萬
里重麟二橫空鵬鴉翔青雲朗君立登要路津上致吾君下降

呈江浙左右司

同前

魏三五雲閣分篆冠南州旌旗耀龍蛇弓戈肅貔貅政事至劇
繁汗簡亦千生罪闈幸宏編帷帳資良籌好蓮清漪二紫微香
浮二坐令五十郡春風謫驪謳嗟我一介士家在襄沔州英烈
耀六矢廿業傳其畏愧莫顯前勳讀書陶魯鄒天風忽飄揚吹
隨南海嘒子長來還家仲宣頌登樓無田謾耕硯煮字爲身謀
所以典簿書尚可理義脩闕省調鼎公往二夾袋投甫得斗升
祿依然村悠二刻書雖掛名齋情猶馬周此際倘失襍國士知

何求肯使李將軍百戰竟不候知音借桐屋弄影戲竹頭以公
作梁棟接桶當並收

贈信宣慰

劉梅柳

黃河萬里來朝東泰山崛起地勢雄中有偉人金書通騎麟血
出蓬萊宮空烟障雨俱掃空闔嶠生靈坐春風不以霹靂驚魚
龍堂二人物當留中等閑拋却文書叢武夷山上訪仙翁山如
翠浪水如虹忽然舞下慢亭峰更與濁世悲人窮

寄江西魏按察

李兩山

雙氣光收紫氣沈六絲變動使車臨宋生拍府風霜向清照梅
花玉雪心一箇秋江澄濁浪千崖曉色破頑陰水夫霞鼓鳴吟情
逸只恐商家要作霖

上按察曾留耕

休翁

人生古多艱欲說眉先聚十年戈戟間生意斬如縷天方椽羣
命末路轉辛苦懷哉於下民意亦劇難撫年二下寬書望二春

同字奉書奈不虞求勿誰父母吏商肆椎剝挺刃猛於虎坐令
吏卒輩唾掌起旁午斗粟竭瓶甕尺布盡機杼飢窮迫之盜山
林互依阻網多魚鳥亂嘉谷以風雨死轉溝壑中天高貌羅顛
憑誰直群枉立討寄持斧云何駭見崗多竟負倚注手中平反
筆翻作漁獵且身受黃流吞人遂玩掌股斯民歎何時杲日出
沉霧恭惟孝道心及物乃平素疾惡箭在弦強禦肯輕吐一節
昔泉南山岳同搖舞豪奸立冰漸一一昭罪害生意動藻芹春
月謁木黍建民望政心一視母尔汝煩公出辣手豺虎正當路

和曾按察行部韻二首

休齋

袖香老我爲南曹雪立何時順下風一節容諷行素志十年流
落見孤忠蚤絲生怕空田里繇役寧容到洋信未說文章人物
在陰功亦合取三公

路雪間英鬢月題悠然子駿昔襟期古今洽忽聞文運民物凋
殘豈盛時六害光垂庸使樣一心惻但有天知歸來若草視爪

奏只把留題當宋詩

年過半百枉塵勞，幾度攻愁醉讀騷。
愛妾荷長負，制書嗚井土。
炭已成甃，餐鳴絃早不謝。
三徑覓鏡今空惜，一毛願遂山林麋。
性狃從下士，問清高。

見率齋王廉使四首

立雪

渡孟升而未歲餘訪箕問，應即求書從來文武相。
經緯正在朝廷妙，卷舒樽俎折衝將。
甲冑衣裳定伯勝，兵車先生李譜問汾。
嫡禮樂須還正觀，初

人物東南又一初，甲申氣運恰相符。
王通合日經重續，莫朗當年筮不誣。
千載河汾兩夫子，一家洙泗幾生徒。
升堂房社俱先達，還許程元後至無。

使星來照鷺，逐沙千節皇皇遠。
有垂盡起綺園山，箇裏更招溫石水之涯。
漢唐禮樂成三代，南北車書又一家。
鳴鹿歌詩將意厚，臣忠端出自賓嘉。

平生怪二復奇二一字何曾潔得飢大白在永金殿召浩然空
負玉堂知田園僅了都人役事業全拋進士詩曰髮見公增感
慨深衣重有尚行時

和率齋王廉使二首

立雪

試手東風第一盃士如侯栗與侯梅潤之春兩根方茂悴以秋
霜花肯開昔有兩生增曾重今尚四皓爲劉來聖朝礼樂須二
代接武行看上曲臺

試手東風第一盃當冠以袖巾明梅貧遺在野時曾閉道大如
天連復用江左人傳茂弘相河汾士喜仲淹來深衣增重逾貂
暖立到天花兩滿臺

試手東風第一盃一膏人物萃歐梅曳裾昔憚王明俊振鐸今
逢孔席開送酒馬軍江上去持書驛使沈頭來斯文未墜重增
三義飯猶勝餽有臺

上張廉訪

黃思永

萬字共一天南服天萬里古漳今極邊貌在七閩底豈無皇華
使繡衣少直指天高鬼神惡日入狐兔起舊開張公綱風烈炳
前史今有古人心玉節山岳峙村邊曾隨響寔驚衆且霞城
隔片雲蔽帝陰在迹九重軫民瘼遺袞皆赤子再煩一馬驟徑
度九龍水跡無當道豺亦有出押兒先聲才霹靂乃目共注視
滂沛忽疏恩洗濯與更始福星幸少留百年幾見此快活新條
晉整前舊綱紀清風激余濁狡兇掃奸宄聲言長流芳惠澤深
浹灑生種書田中路仁端止榮華春一夢鹿垵動一紀才匪
舊不疑焉敢望瓊履春風願託根公門一桃李

上張廉訪

言德清塘變為田事

吳德驥

莆陽瀕海郡仰給堤海田厄運在辛卯堤決丈八千洪波漲禾
黍畝畝遊鱖鱸飢民四方散公私失所天天賜埋輪公益治明
且賢極弱採飢苦愛民心倦愚言豈足聽被機偶席前坐使
變寫鹵功績兩月固乾今公海堰歸長城堅維此川澤利將

與山嶽全食民莫報德惟有頌碑鐫德星北陸上談二斗極傍
往來行路者只說張廉訪官吏師傳嚴百姓父母養違拜十餘
年企予朝夕望書生伏草野城市不曾向坐井無闊處窮蹙
得喪忽有客叩門未言喜氣張便說分司官不似去年樣復二
張相公滿城歡聲暢窮士亦抖擻彈冠膽氣壯拙詞表厲贊二
天誠所仰

上嚴廉訪

退齋

七閩天南陔寔惟文明方風氣一以開文治何其昌我思常公
化迪我貞無疆開端固匪易再造伊誰當
大哉伊洛傳正統接洙泗一源擊南來九曲清且此百年尚無
有千載那可俟崇臺勗風化此是第一義

四海文公書行世日杲之晚年制作心三禮重探討賢文貴射
宜消長関山道烟然百聖心來哲當有攷

因思傳記李本欲釋經義春秋列三家儀禮亦存二荆舒彼何

人繁碎妄譏毀煌之姬孔書生此竟廢弁

春秋得忠臣交紹猶有述至今十七篇未孝或不識乾溥有大

儒奏請非不力一時欠良遇志士重嗟惜

古久重民教礼樂用為急虞書有二官周典猶二職太孝領奉

常西都有餘責兩生既不來何參又無術

漢只歷數世故事竟未遑一絕不復續千載重慨慷房魏朝貞

觀汗潛空流紫闕寶襲唐廟儀儼負義方

煌二五星聚瑞山啓文治明道十事奏橫渠一方議有志不得

行曲孝竟持世六經亡其一此責竟誰諉

南方尚秉礼文風未云衰釋奠古雅樂鄉飲舊漢儀表章在正

孝舍曾將安之願言假良遇制作逢昌時

斯又牙續交天意豈無擬倚故恪為翁雅者敦典礼推行大經

綸宣風自茲始百世常公祠罔俾獨專美

上張廉訪二首

荒山十室九無人行道三年兩調兵聞得老貪今授首老夫買
犢要春耕

書生久嘆三綱絕天道那無一髮存東海不須更憂旱迹來一
婦已無冤

道傍竹馬綵旌旗頌德歌辭紀政碑使者郊原問民瘼也應采
到小夫詩

送洛陽靳都事

銅駝巷陌林風涼尚記東都舊帝鄉甲馬營壘空遠杜鵑聲
老洛園荒天開地闢人才出風起雲飛汗竹香倘得行窩容我
老春風借地種姚黃

與徐同知号石壁

浪齋

武夷山中舊季子汗漫偶作觀海游此遊此觀亦何有炎氛瘴
雨爛不收蓬萊絕岳固難望何處大澤并高丘獨聞東南倚天
聳石壁上一輪照耀之明月下有一道瀟灑之清流此流不

求情此月不求明報星冥濛日鬱遠拍天煙浪渺々令人愁因
思八極間世景豈不稠后皇生物至今日茫々大化無停軻祥
陰刻盡碩果在新禽再闕陳根留我蠶等是豐邑春盛德何止
數世謀男兒生世有不朽百年身邁千載悠造物生材諒非偶
陽春有脚先南州南州八郡春已滿忍使四海赤子寒飈々一
時澤物亦易足早須霖雨川須舟書生却顧動遐想願為來世
蒼生憂斯文豈續正此時安得古緱子尋脩幸郊匹夫樂堯道
朝鮮道播叙禹疇兩生不來至今尚綿絲旁魏背汗豈但唐人
羞禮頽樂震二千載欲觀周道傷何路我聞伊洛道南後武夷
雲谷今曾鄭孔至金石未盡泯海中斷簡猶堪搜獨抱遺經守
子拙歲月兀兀春復秋蚊蠅負山力謾苦精衛填海志未休書
生子拙公所知此來見公亦何求窮通志也命當逐天地傾缺
人網繆願公惜我一片五色石要補元氣混沌無羣疣千載在
我前萬載在我後山中事業非王侯

上劉治中

平溪

古江紫烟終歸東浪淘不盡真英雄在年有道曾時通曾侍玉
皇奈珠宮招我環佩來層空一朝西北起陰風黑潦滿道驅蛇
龍吁嗟往事如夢中皮毛脫盡留根叢癯然滯來慢亭翁因取
一道長橋虹接引諸孫遊神峰回望蓬海誰能窮

又

勿軒

弱水流西河水東贈烏爰止誰雌雄天地方閉何時通顛倒溷
牽成仙宮我羨仙人在高空絕粒輕琴乘天風豢養不及真神
龍人生剪羽樊籠中名尤利如方相攻勿聞海上蓬萊翁却來
慢亭跨長虹願留徜徉群仙峰塵寰外知何窮

答劉治中

草窠

今古存亡總一丘北江有葦閣從頭靜觀草表霜寒膽細嚼梅
詩雪入喉文在茲乎天意巧道難言處聖兩遊青生不懼今時
事一任狂吟不管愁

與孔經歷二首

萬代聖人後六經王者師古文出秦真正義起周隋文物登瀛
館詩書過魯祠斯文天未喪一脉重扶持

泮頌聞公久茲來喜見之聖師先世紀鄉飲舊官儀孔樂後千
載治平今一時黃經如有託制作豈昌期

贈軍官張總管

乾綱一清坤軸帶梯航萬國日月明為獸踏奔來帝庭程鼂跳
躑躅天兵至視汗漫沾滄溟玉帳分弓射長箭帷密運功冥
冥海山草木皆知名左扶右翊環文丁眷福之將功何成樓船
南指孔風震太山一壓鼉鼓傾丹服推髻鬚魁形龍泉不血帝
存生能海不染一點腥秋風凱放笳鼓鳴錦衣照耀雙溪清黃
童白叟交道迎尚覓神氣涵蓬瀛鵬搏九萬朝帝京

與程縣尹

退軒

我思程伯子試令晉城邑豈第父母人一念誠懇則存心民必

濟正己吏自格雖然一邑小允矣天下式繁二古東陽曾謂禮
義國弦歌視曲阜豈惟文公澤尚想與孝功百年未陳亦古來
號難治此語諒非必人懷孝道心功化亦俄刻重惟伊洛傳道
南此其脉家傳餘政譜師授存孝則此邦有美俗文獻猶可及
接彫昔儒醫與起易為力當今尚文化鄉校首扶植非無善政
人教化豈惶忽明公下車來聲譽已洋溢三年田里間公來始
休息簡靜公優為不擾知政績山人重期望登履慎無數四海
文公邦正孝自茲出政教豈殊途飾吏實儒術善化必因俗吾
世俱有責到手事必為莫讓功第一

輿史縣尹

草窓

一點即星試令初下車僑意在吾滬而文風萬古終難泯道脉千
鈞賴力扶務省事中行利便尚催科上少治呼看看臺省聞清
德促觀宸京賜虎符

贈王典史五首

退軒

百里古君侯一邑天下清
祿曹擬六官典頒我相
戩民親教弥

數戰要事應劇慎哉勿
辭卑儒術隨所益

愚嘗聞之師六官欠經
制戶札与刑兵上法天
時四丞曹象陰

陽右左各分治斯言擴
前聞小大豈殊致

自從大道裂教法日益
殊文孝与政事往往成
兩途簿書吏應

俗佔卑儒誠迂二者不
相能世道良可吁

每愛湖亭規明公必治
事行實与吏師伊川有
成議皇極欠絃

一体用非有二登季無
事科已仕竟何試

我愛熙然翁識趣度
美節政必以儒公餘只
吟詩利欲膠盆

中三嘆斯人希安得公
百輩馬宇陽春然

送趙典史

草窓

黃河流湯湯比嶽高魏
魏中有絕代人意氣超
等夷事會在中

原胡爲此棲蓬東陽雖
陋邦文獻實在茲下車
來小試盛心端

可知吏能本儒術政孝
非兩岐相從僅一載
雖然語分離文夫

豈無事業續空自疲送君萬里道悠悠徒去思公清無可贈為
君哦此詩倘見中州士久大相與期世無會運子嘆息吾安歸



文總管之清江任賀新郎

玄同子

新雨黃花路看清江在旗千騎使君東去萬里扁來城頭角吹
徹家山舊處惜別路留君不駐白髮貴民壺觴語笑浣花隣里
衣襟袴誇見半帳來暮故人只在山中住記年時腸斷相望
天風海雨前鬢草草華髮少君鬢尚今青古休誇說神仙官府
玉筍平生清入夢會有時乘興攜吾但就君醉為君舞

王守之任莫魚兒

李文溪

怪朝來片紅初瘦半分春事風雨丹山碧水含離恨有脚艷陽
難駐芳草渡似叫住東君滿樹黃鸝語無端杜宇報事石磯頭
鷺鷥濤羣大寒色要春護陽關唱盡鷓鴣徘徊東渚相逢知有句
鳳塵抄老劍雄心在對酒細細今古君此去幾萬里東南隻手

擎天住長生壽母重穩在安輿三槐堂上笑看綵衣舞

劉守之任洞仙歌

黃在軒

銀兔分竹是君王親付州在扶輿最清處紫雲樓記取天語丁
字襦袴手好二為吾擊枬望公如望月見說柳江父老多時
問來暮旌旆試初涼紫馬西來青絲絡秋風滿路早橋并丹成
入仙班有喬木前芳事須公做

胡存齋除泉州大卿八声甘州

青山

記得在昔快馬上青雲而今夜衣還問公歸何有春風萬斛散
滿人眼道金盃對風采動朝班宰相從來有幾箇朱顏
梅雨初風清潤正台星一點光照龍灣趁經綸餘暇按行紫芝
山念江南民生何似把裏封奏上九重闕須信道濟時功行便
是金丹

楊教之齊安任摸魚兒

中齋

笑平生布帆無恙堂堂穩送君去江声悲壯望殷血曾足英雄

行處今亦古甚一點東風天不周郎與城幙夜豎我銅爵春殘
戰沙秋冷華髮遽如許東坡老千載風流兩賦餘音不絕如
錢臨皋一笑三生夢裏認眠峨鄉語揮玉塵因不礙灯前痛飲
簪花兩雪堂在不管駕鶴歸來為君細賞蝴蝶上階句官閑无
一事胡蝶飛上西窗黃州朱教授載詩也坡公深賞之

楊直夫入節幕賀新郎

雪坡

唱徹陽關調伴行人梅拂征鞍曉霜寒悄金甲雕戈開玉帳樽
俎月流談笑看策馬從容江表自是樂階苔砌客卷經綸且泛
芙蓉沼襟量闊江面小允文事業從容了夢眠峨人物後先
相照見說君王魚豈有問似比人才多少便及天雲霄清要四出
三公廡復舊况蜀珍先已登廊朝但側耳聽新詔

易子炎入宣幕賀新郎

雪坡

冷眼三邊處喜舍人水濁躍馬上京西路三國英雄千載矣形
勝依然如故這勳業向誰分付袖裏翰林風月手也何妨戮力

風寒護談笑，暇詩吟虜。峴山幾載無人顧，幸如今剪除荆棘。
掃清煙霧，換得東南新局。高政欠十分著數，算人物須還羊杜。
逢帳籌邊，機會好把規模，隨出中原去。天下事書生做。

黃時中入郡幕，摸魚兒

靜山

曉峰高飛，泉如瀑，潛虬鞭駕軒翥為他。一片韓山石，直到紅雲
天尺五。想應道公自安在來，何暮金川小渚。那韶石參天，郡綱
宜錄為我分南顧。錦衣書滿袖，尚疑香霧，催人富貴如許。嶺
雲見說，今加燕鳳，挾九成迎舞。煩道雨，問金鏡鐵胎，還記開元
不封詞，竒與但目送河橋，吟消醉拍載酒滿江許。

笑簿之平江，疎影

中齋

瑤尊醮，翠短長亭送，別風恋晴袂。鴈樹迎春，一路清寒能消幾。
日羈思，霜華不借，陽關柳，悄莫繫行人嘶騎。對梅花一笑分攜。
賦約別來相寄。人物仙蓬，妙韻瑞鸞，歛迅翼聊憇香枳。見說
使君好語先傳付，與芙蓉清致。客來欲問荊州事，但細語岳陽。

樓記夢故人剪燭西窗已隔洞庭煙水

稅官之楊州任蒲江紅

玄同子

離却京華到這裏二千八百窮醋袋齊三整二豈無貨揭隨地

平章花与柳為天評品風和月只留得一管鈍毛銼一丸墨

初不是絲綿帛又不是茶鹽鍊更有蘇州破硯兔園舊冊一領

征衣半塵土兩頭窮笠幾風雪問攔頭直得幾多錢從頭說

美名

李府尹美任莫與兒

劉須溪

待借留幾會留得來鴻空怨秋老至今父老依二恨猶說李將

軍好東門草早不為東風遮却長安道餘民如槁願金印重來

洪都開府定復幾時到秋江鷺猶記當年潦倒滄洲無復華

皓朝飢隨浹荒田雨洗意窩峰敗掃天能報看鳳燭亭一玉樹

寬人抱風霜善保但逢驛寄書无書寄語要說趁朝早

孟字美任沁園春

王正字

懼老今朝載酒渡江送孟吉州遇舟之人士來前問政此公官

去莫也宜留老子曰嘻我游宦海幾度遭他風打頭君休問但
正因遇坎行則乘流江皋一葉驚秋雁過也巖明白鷺洲笑
如今休願從前墮甌無心相逐等是虛舟喙黍雞肥新芻酒熟
且依山中萬戶侯林泉好却輸公一着先我歸休

陳守美任臨江

陳守美

三十四年臺榭八千餘里江津去時楊柳正輕鞦重來桃李少
不似舊時春風掃半空煙雨玉虹翠浪如新可憐茄鼓送行
人白頭梳上見歸夢枕邊頻

張守美上花園春

雪坡

明月扁舟輕逐江鷗翩然賦歸任顛風掀舞濤山浪屋少須平
定一碧琉璃柳絮浮雲有無根帶到底不礙是非呵笑
人情似紙世事如棋宜堂事之皆宜把酒論文更有誰記
風雲蒲蒂吟情浩蕩龍蛇滿壁醉墨淋漓別後相思有書寄否
春在梅花第一枝重相見約柳提撐舫竹閣尋詩

許倅美任沁園春

雪坡

万里清風吹送錦帆入南浦雲看掃天旌旆攀留不住迷津舸
艦歌舞相迎一許家声三泚地望今代風流第一人蜚英早合
詞林視草書閣翻云飛翳遠餉三軍特借作紅蓮入幙賓把
西山暮雨暫時收捲荷山明月小試平分甦醒枯魚剔除深蠹
箇是人間有脚春誰淹久看詔催入侍香案麒麟

張縣尹美任賀新郎

父老持盃水唳世間公論無情是非劫位來錢花封賢令尹籍
籍攀轅耳語留不住青原撫字暮地風波平地起算十常八九
垂人意尤處者不平氣浩然一曲歌歸去問城郭田園曾荒
猶未親舊過從同一笑不羨浮雲富貴任造物小兒厮戲失馬
安知非是福况廟庭侑祀方思魏夫定也詔書至

韓知事美任百字令

玄同子

三年幕書是小試相業桐陰相譜協贊雍容心似佛春在螺山

螺浦白玉无瑕黃銀倚重一府中流住蕭然錦蒲扁舟明日歸
去此去南北才名看青雲穩駕玉階徐步共說荊州老長史
宰相須還他做沙路星明甘棠人遠無計攀轅仕熏香三祝蒼
生正望霖雨

郭縣尹美任蒲庭芳

熊則軒

波有蘋瀾渴无冷鑊誰言製邑爲難汾陽善政祇在笑談間三
載刑清訟簡官事辦俗阜民安簾垂畫焚香宴坐猶得半清閑
西風催入觀声馳當道名達朝端任錦溪上臥轡攀轅從
此燕轅北去好官樣留与人看扁舟穩圖書外惟有月俱還

又大江乘

阮槃溪

東陽四載但好事一一爲民做了談笑半閑風月裏管甚訟庭
生草旣茗炒香菜羹添飯此外无煩問候何苦自飢只要民
飽猶念其旨相違白雲万里不得隨昏曉暫捨蒼生歸定省
回首又看父老聽得垂崖交章力薦道此官負好且來典憲中

書邊二十四考

又風流子

危西麓

西風吹錦水朝天路
兩是飛看父老
裊花苦遮去轍
兒童騎竹爭問
歸期
帳發馬前紛蔽日
實績紀行碑
冰飲三年從容
官事棠陰百里
悠久民思
聖明矜遐遠
關山道應是來
瓌華絲畫綉
過家萊庭
綠舞斑衣使
穩奉安輿
江南向暖
早傳言語
樵曲先知
重約舊語
倪堇迎候
杭西

范縣尉美任初相青

竹鄉

二十年前君家桃李種
滿螺川
稟小英風
真如小范不數梅仙
薰風吹送朝天指
何物裝添去船
千首新詩一輪明月
兩字清謙



洪張監察出閩 葵羅門引

張周卿自作

去年南下建溪風
雲滿征衣
歸來恰荔子
丹時且被青山留住
百匝與千圍
向雲煙佳處
留題
欲歸未歸看
幾日足歸

期自嘆此生行止自也難知輕舟一葉便過了中秋未是遲今夜月特地光輝

又和前韻

卓憲

攜書載鶴向西風再整花衣這歸舟輕似來時只任輕裘緩帶腰不減金圍羨名垂宇宙在處標題公胡早歸更好候菊花期賸把棠陰滿種留後人知侯封萬里便做了班超歸未遲民庶道爭借餘輝

又

退齋

秋宵倦起起來風露濕人衣休休未是早行時旋摘青蔬炊飯暖酒就圜值青山有意且把詩題因闌便歸忽邂逅故人期道是游山正叔消息曾知茶烟午甕聽擊擢歌聲笑語遲雲靄散皓月呈輝

送五峯歸九江金縷曲

須溪

世事如何說但牽鞍回頭笑問井州兒葛手摩塵埃黃花路千

里龍沙如雪着破帽蕭蕭餘髮行過故人柴桑里撫長松老倒
山間月聊共舞命湘瑟春風五老多車別看使君神交意氣
依然晚合袖有玉龍提攜去滿眼黃金臺膏說不盡古人癡絕
我醉看天看我聽秋風吹動簷間鏡長嘯起兩山裂

送趙按察歸古淇木蘭花慢

青山

鷺洲江上水望南浦送將歸想陌上兒童尊前父老口口能碑
家聲一琴一鶴甚和他琴鶴也無之城市豨豨圭鼎洋宮片藻
春遲與公南北兩天涯渺再見何時記樓月歌殘碧雲可好
盡是相思江南燒痕未補倩春歸說與上天知早晚洪鈞一轉
東風先到寒枝

送陳太史東歸摸魚兒

梅城

極知君腰騎鶴此心與水相似梧桐葉上黃昏兩恨殺無情流
水滔二地今日大江頭明日入千里君思往事兩袖淮雲一輪
明月要亦尋常耳君去也我亦扁舟東矣尊前何惜同醉吾

年未老君猶健五十行當富貴書頻寄報王粲何時可決荊州
計俱抵一指更細算何時五星同會天下太平未

送童天翁兵後歸沅齊天樂

天游

相逢喚醒京華夢吳塵暗班吟髮倚擔評花認旗沾酒歷三行
歌竒跡吹香弄碧有坡柳風情浦梅月色畫鼓江船蒲湖春水
斷橋客 當時何限怪侶甚花天月地人被雲雨却載蒼煙招
白鷺一醉脩江又別今回記得再折柳穿魚賞梅催雪如此湖
山刃教人更說

丙子送李倅東歸

同前

沉雲別浦又何苦扁舟青衫塵土客裏相逢灑一舌端飛兩只
吟便把如伊呂是當年漁翁樵父少知音者蒼煙吾社白鷗吾
侶 是如此英雄辛苦知從前幾箇適齊去魯一劍西風大海
魚龍掀舞自來多被清談誤把盟琨埋沒千古扣舷一笑夕陽
西下大江東去

休退

陳抑齋乞致仕哨過

多病倦遊在家又貧畢竟如何是十萬錢騎鶴更揚州是人間
幾曾有底弄一生大都能消幾發勞神到老成何事趁落已
雙鬢絲在兩鬚尋閑裏滋味不見青雲路有危機金縷歌聲漸
變成悲待思大東門憶鶴華亭悔之晚矣 休歸去來兮北山
幸有閑田地瘠宜瓜菜引泉鑿成方止這仲子蔬園三公不
換况東陵自來瓜美間走馬溪頭倚闌垂釣解衣自濯清此酸
山泉時復一中之琴橫膝古淡無絃有音徽送歸鴻暮雲千里
蓬萊自古無路玄圃何時到只消曲几蒲團鎮日閑房打睡這
乾坤日月更遠遊問他王子

吳編修解任八声甘州

數酒船夜入古江樓薄莫辨西東歎從前眼底二丁不識四海
曾空老去休休莫誰識舊元龍尚解被襟去賦大王雄 回
首漢仙高處問赤松无恙捨子何從便不然李稼猶有相牛翁

小波婆婆東家故舍也着儂四下二之中薊州外溪風山月鷗鷺
盟同

又摸魚兒

予何人此何時節節言我欲行志青原煮豆然其後誰豢龍蛇
赤子心為碎肯底是翻疑又怕嚴底是吾方左計冷眼別人看
畏首畏尾身復尚餘幾陶元亮自古真奇男子督郵尚若人
耳秋風一曲柴桑路新林草香正美黃鵠起見谿道山光潭影
皆歡喜晴窓靜倚還我向來高仙人羽客別有一天地

劉守解任蒲江紅

歸去來兮要待足何時是足茶對奉飲河鼯鼠無過滿腹浴月
朝霞紅窸錦緋雲晚岫青如玉更脩筠與合抱長松依梅麓
本林畫戟漫符竹舞袖短轆駒局惟繭絲保章醫瘡剜肉節對開
炉應去也釵頭又有長生籙筭歸程恐到荔枝鄉已過熟

類聚翰墨全書卷之二十四

庚午





浙江圖書館藏
書目號：615702





浙江圖書館善本

甲 登記號：015702

一九 年 月 日



Blue Cyan Green Yellow Red Magenta White 3/Color


© The Tiffen Company, 2007

TIFFEN Color Control Patches

Centimetres

1 2 3 4 5 6 7 8 9 10 11 12 13 14 15 16 17 18
Inches





TIFFEN Color Control Patches © The Tiffen Company, 2007

Blue Cyan Green Yellow Red Magenta White 3/Color